



საქართველოს სსრ.



საბჭო. რესპუბლიკის



მუშათა და გლეხთა მთავრობის

კანონთა და განკარგულებათა კრებული

1928 წ.

იუსტიციის სახალხო კომისარიატის გაზიარება

1928 წ. ნოემბრის 20

№ 14

ნაწილი პირველი

შ ი ნ ა ა რ ს ი:

ცენტრალური აღმასრულებელი კომიტეტის დადგენილებანი.

- 129. დადგენილება № 65 ც. ა. კ. და ს. კ. ს.—სამოქალაქო სამართლის კოდექსისათვის 415¹ მუხლის დამატებისა და იმავე კოდექსის 101 მუხლისათვის შენიშვნის დამატების შესახებ.
- 130. დადგენილება № 66 ც. ა. კ. და ს. კ. ს.—საქართველოს სს რესპუბლიკის მუშათა და გლეხთა წითელი მილიციის დებულების მე-20 მუხლის რედაქციის შეცვლის შესახებ.
- 131. დადგენილება № 69 ც. ა. კ. და ს. კ. ს.—საქართველოს სსრ სამოქალაქო სამართლის საპროცესო კოდექსის 271 მუხ. შეცვლის შესახებ.
- 132. დადგენილება № 71 ც. ა. კ. და ს. კ. ს.—სისხლის სამართლის კოდექსის 60, 61 და 63 მუხლების შეცვლის შესახებ.
- 133. დადგენილება № 73 ც. ა. კ. და ს. კ. ს.—იმ საგნების ნუსხის შეცვლის შესახებ, რაც კონფისკაციით მსჯავრდებულს არ ჩამოერთმევა (საქართველოს სსრ სისხლ. საშ. კოდ. 39 მუხ. დანართი).

სახალხო კომისართა საბჭოს დადგენილებანი.

- 134. დადგენილება ს. კ. ს.—ღარიბ გლეხთა საკრედიტო ფონდების განაწილების ვადების შესახებ.
- 135. დადგენილება ს. კ. ს.—სოფლად მომუშავე სამედიცინო პერსონალის სამუშაო ხელფასის მინიმუმის დაწესების შესახებ.
- 136. დადგენილება ს. კ. ს.—იმ საგლეხო მეურნეობათა შესახებ, რომლებზედაც არ გავრცელდება „გლეხის მეურნეობაში დამხმარე დაქირავებული შრომის გამოყენების პირობების დროებითი წესები“.

სენატრალური აღმასრულებელი კომიტეტის დადგენილება.

129. დადგენილება № 65 ც. ა. ქ. და ს. ქ. ს.

სამოქალაქო სამართლის კოდექსისათვის 415¹ მუხლის დამატებისა და იმავე კოდექსის 101 მუხლისათვის შენიშვნის დამატების შესახებ.

სრულიად საქართველოს საბჭოთა მე-11 მოწვევის ცენტრალური აღმასრულებელი კომიტეტის მე-2 სესიის 1924 წ. მარტის 10-ის თარიღისა და 77 №-ის დადგენილების მე-2 მუხლის წესისამებრ და აგრეთვე თანახმად სსრკ-ის ცენტრალური აღმასრულებელი კომიტეტისა და სახალხო კომისართა საბჭოს დადგენილებისა „იმ პენსიისა და გადასახდელის კაპიტალიზაციის შესახებ, რაც უნდა გადაჰხდეს ლიკვიდაციკმწილ საწარმოს ამა თუ იმ პირის დაშვებისა ან სიკვდილის გამო“ (სსრკ კან. კრებ. 1927 წ. 65 №-რი, მუხ. 661), სრულიად საქართველოს საბჭოთა ცენტრალური აღმასრულებელი კომიტეტი და საქართველოს სს რესპუბლიკის სახალხო კომისართა საბჭო ადგენენ:

1. სამოქალაქო სამართლის კოდექსის 101 მუხლს დაემატოს შენიშვნა 1-ლი შემდეგი შინაარსისა:

შენიშვნა 1. დაზარალებულთა, მათი ოჯახის წევრთა და, რეგრესის წესისამებრ (413 მუხ. მე-2 ნაწ. და 414 მუხ.), სოციალური დაზღვევის ორგანოთა პრეტენზია დაშვებისა ან სიკვდილის გამო საზღაურის შესახებ, როგორც დროგამოშვებით გადასახდელის სახით, ისე საწარმო ლიკვიდაციის დროს 415¹ მუხლის თანახმად კაპიტალიზაციკმწილი თანხების სახით, ეთანაბრება დაკმაყოფილების რიგის მხრით პრეტენზიას სამუშაო ხელფასისა, აღიშენებისა და სოციალური დაზღვევის შესახებ.

2. 101 მუხლის ამ ქვედა მომკმედი 1-ლი შენიშვნა ჩაითვალოს მე-2 შენიშვნად, ხოლო ამავე მუხლის მე-2 შენიშვნა—მე-3 შენიშვნად.

3. სამოქალაქო სამართლის კოდექსს დაემატოს 415¹ მუხ. შემდეგი შინაარსისა:

415¹. საწარმოთა (სახელმწიფო, შერეულ, კერძო და სხვ.), აგრეთვე საზოგადოებრივ და კოოპერატიულ ორგანიზაციათა ლიკვიდაციის დროს იმ თანხებს, რაც მათგან ერგება დაზარალებულთ ან, რეგრესის წესისამებრ, სოციალური დაზღვევის ორგანოებს საზღაურის სახით, როგორც ლიკვიდაციამდე, ისე თვით ლიკვიდაციის პროცესში შემთხვეული დაშვებისა ან სიკვდილის გამო, კაპიტალიზაცია უნდა ექნას თანახმად სსრკ ცენტრალური აღმასრულებელი კომიტეტისა და სახალხო კომისართა საბჭოს დადგენილებისა „იმ პენსიებისა და გადა-

სახდელთა კაპიტალიზაციის შესახებ, რაც უნდა გადახდეს ლიკვიდაციადმიჭეველ საწარმოს ამა თუ იმ პირის დაშავებისა ან სიკვდილის გამო“ (სსრკ კან. კრებ. 1927 წ. 65 №-რი, 661 მუხ.).

სრულიად საქართველოს საბჭოთა ცენტრალური
აღმასრულებელი კომიტეტის თავმჯდომარის მაგ. ვ. ვაშაკიძე.

საქართველოს სოც. საბჭ. რესპუბლიკის
სახ. კომ. საბჭ. თავმჯდომარის მოად. გ. მგალობლიშვილი.

სრულიად საქართველოს საბჭოთა ცენტრალური
აღმასრულებელი კომიტეტის მდივნის მაგ. შ. მათიაკაშვილი.

1928 წ. ივლისის 18.

ტფილისი—სასახლე.

130. დადგენილება № 66 ც. ა. ქ. და ს. ქ. ს.

საქართველოს სს რესპუბლიკის მუშათა და გლეხთა წითელი მილიციის დებულების მე-20 მუხლის რედაქციის შეცვლის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სოც. საბჭ. რესპუბლიკის სახალხო კომისართა საბჭო აღდგენენ:

საქართველოს სს რესპუბლიკის მუშათა და გლეხთა წითელი მილიციის დებულების (კან. კრ. 1926 წ. № 7, მუხ. 114) მე-20 მუხლის რედაქცია შეიცვალოს შემდეგნაირად:

მუხ. 20. მილიციის თანამშრომლის მიერ ჩადენილი ისეთი დანაშაულის საქმე, რომელიც გათვალისწინებულია სამხედრო დანაშაულთა დებულების მე-14 მუხლის „ა“ პუნქტში, მე-15 მუხლის „ა“ პუნქტში და მე-16 მუხლის „ა“ პუნქტში, — ექვემდებარება სახალხო სასამართლოს, ხოლო საქმე იმ დანაშაულის შესახებ, რაც გათვალისწინებულია იმავე დებულების მე-2, 3, 4, 5, 7 და 8 მუხლში, მე-14 მუხლის „გ“, „დ“ და „ე“ პუნქტში, მე-15 მუხლის „გ“, „დ“ და „ე“ პუნქტში და მე-16 მუხლის „გ“, „დ“ და „ე“ პუნქტში, ექვემდებარება სამხარო სასამართლოს. უკეთუ აღნიშნული დანაშაული ჩადენილია უმალესი საკომანდო შედგენილობის პირთა მიერ, ამ დანაშაულის საქმე ექვემდებარება უზენაეს სასამართლოს, — სისხლის სამართლის საპროცესო კოდექსის 448 მუხლის მე-3 პუნქტში აღნიშნული წესისამებრ.

შენიშვნა 1. უკეთუ ამა მუხლში აღნიშნული დანაშაულისათვის დაწესებულია დისციპლინარული პასუხისმგებლობა, მილიციის თანამშრომელი მიიკემა პასუხისგებაში სადისციპლინო წესდების თანახმად.

შენიშვნა 2. უველა დანარჩენი დანაშაულისათვის, გარდა ამა მუხლში აღნიშნულისა, მილიციის თანამშრომელი პასუხს აგებს სისხლის სამართლის კოდექსის სათანადო მუხლის თანახმად.

სრულიად საქართველოს ცენტრალური აღმასრულებელი
კომიტეტის თავმჯდომარის მაგიერ **ვ. ვაშაკიძე.**

საქართველოს სოც. საბჭ. რესპუბლიკის სახალხო
კომისართა საბჭოს თავმჯდომარის მოადგ. **გ. მგალობლიშვილი.**

სრულიად საქართველოს სსრ ცენტრალური აღმას-
რულებელი კომიტეტის მდივანის მაგიერ **შ. მათიკაშვილი.**

1928 წ. აგვისტოს 1.
ტფილისი—სასახლე.

131. დადგენილება № 69 ც. ა. ქ. და ს. ქ. ს.

საქართველოს სსრ სამოქალაქო სამართლის საპროცესო კოდექსის 271 მუხ-
ლის შეცვლის შესახებ.

სრულიად საქართველოს საბჭოთა მე-11 მოწვევის ცენტრალური აღმასრუ-
ლებელი კომიტეტის მე-2 სესიის 1924 წ. მარტის 10-ს თარიღისა და 77 №-ის
დადგენილების მე-2 მუხლის წესისამებრ, სრულიად საქართველოს ცენტრალური
აღმასრულებელი კომიტეტი და საქართველოს სსრ სახალხო კომისართა საბჭო
ადგენენ:

სამოქალაქო სამართლის საპროცესო კოდექსის 271 მუხლი მიღებულ იქნეს
შემდგომ რედაქციით:

მუხ. 271. გადახდევინება მოხდება მოვალის ქონების შეკვრით, აღწერით,
დაბეჭდვით და გაყიდვით, იმ ქონების გამოკლებით, რაც აღნიშნულია ამა მუხ-
ლის 1 და 2 დანართში.

სრულიად საქართვე. ცენტრალური აღმასრულებელი
კომიტეტის თავმჯდომარის მაგ. **ვ. სტურუა.**

საქართველოს სოც. საბჭ. რესპ. სახალხო
კომისართ საბჭოს თავმჯდომარე **ლ. ქართველიშვილი.**

სრულიად საქართველოს ცენტრალური
აღმასრულებელი კომიტეტის მდივანი **ი. ვარძიელი.**

1928 წ. ივლისის 18.
ტფილისი—სასახლე.

საქართველოს სსრ სამოქალაქო სამართლის საპროცესო კო- დექსის 271 მუხლის 1-ლი დანართი.

ისეთი სახის ქონების შესახებ, რომელზედაც არ შეიძლება მიიქცეს გადახ-
დევინება გარდა იმ შემთხვევისა, როდესაც ანაზღაურებულ უნდა იქნეს სა-
ხელმწიფო დაწესებულებათა და საწარმოთა და კოოპერატიულ, პროფესიონა-
ლურ და საზოგადოებრივ ორგანიზაციათა ქონების გაფლანგვით, მითვისებით
და გატაცებით მიყენებული ზარალი.

1. გადახდევინება არ შეიძლება მიიქცეულ იქნეს მოვალის შემდეგი სახის
ქონებაზე:

ა. ხელთქონებული თანხა, მოვალეს მიერ მესამე პირთაგან (მათ შორის
დაწესებულებათა და ორგანიზაციათაგან) მისაღები თანხა და აგრეთვე ის თანხა,
რომელიც ირიცხება მოვალის მიმდინარე ანგარიშზე საკრედიტო დაწესებულე-
ბაში ან შეტანილია ანაბარად—სულ ისეთი რაოდენობით, რაც საჭიროა მუშა-
მოსამსახურეთათვის სამუშაო ხელფასის მისაცემად გასული დროისათვის და წინ-
დაწინ ორი კვირისათვის და აგრეთვე იმავე დროისათვის სოციალური დაზღვე-
ვის შენატანისა და აღიშნებების გადასახდელად.

ბ. ყველა სახისა და საფეხურის კოოპერატიული ორგანიზაციისა, საურ-
თიერთო და სასოფლო-სამეურნეო კრედიტის საზოგადოებათა და შრომითი არ-
ტელის წევრის საპაიო შენატანი და აგრეთვე საპასუხისმგებლო შრომის არტე-
ლის წევრის პაი.

გ. თანხა, რაც მოვალეს ერგება სავალდებულო საგადანაკვეთო და არასა-
გადანაკვეთო დაზღვევით, უკეთეს ის თანხა მარტოოდენ დაღუპული ქონების
აღდგენას მოხმარდება და უკეთეს გადახდევინება არ ემყარება პრეტენზიას სა-
მუშაო ხელფასისა და სოციალური დაზღვევის საქმეში და აგრეთვე საკრედიტო
დაწესებულების ისეთ პრეტენზიას, რაც უზრუნველყოფილია დაზღვეული ქონე-
ბის გიროთი.

დ. თანხა, რაც მოვალეს მიეცემა სოციალური დაზღვევის წესით, აგრეთვე
გლებთა ურთიერთ დამხმარე საზოგადოების მიერ დახმარების ან სესხის სახით
მიცემული თანხა და ის თანხა, რასაც სასოფლო-სამეურნეო კრედიტის დაწესე-
ბულება მისცემს სესხად ხელმოკლე გლეხურ მეურნეობას წარმოებითი მიზნი-
სათვის.

ე. სახელმწიფო ქონება, რის გასხვისება და დაგირავება, მომქმედი კანონ-
მდებლობის თანახმად არ შეუძლიან იმ ორგანოს, რომელიც ამ ქონებას გა-
ნაგებს.

ვ. სახელმწიფო დაწესებულებისა და საწარმოს შენობა და აგრეთვე ის
ქონება, რაც სახელმწიფო საწარმოს ძირითადი კაპიტალის შედგენილობაში
შედის.

ზ. ნედლეულობა და სათბობი მისალა, რაც საჭიროა საწარმოს ფაქტიური
მუშაობისათვის სამი თვის განმავლობაში.

01. საწარმოო იარაღი, ინსტრუმენტები, სახელმძღვანელოები და წიგნები, რაც საჭიროა როგორც თვით მოვალის, ისე მის რჩენაზე მყოფ ოჯახის წევრთა ხელობისა, შინა-მრეწველობისა და პირადი პროფესიონალური მუშაობისათვის:

1) საწარმოო იარაღი და ინსტრუმენტები, რაც საჭიროა მოვალეთა იმ კატეგორიების ხელობისა ან შინა-მრეწველობისათვის, რომელთაც მომჭმედი კანონმდებლობის თანახმად მინიჭებული აქვთ საგადასახადო შეღავათები, სახელდობრ: ხუროს და დურგლისათვის—დაზგა, შალაშინი, ცული, ხელის ხერხი და ბირდაბირი, რანდა, ხეწვი, ჩაქუჩი, სატეხი და სხვ.; მეწაღისათვის—ჩაქუჩი, სადგისი, ფეხსაცმელის დანა, გადასაქიმი გაზი, კალაპოტი, არა უმეტეს ხუთი წყვილისა, კავი, არა უმეტეს ერთი წყვილისა და სხვ.; მკედლისათვის—ქურა, საბერველი, გრდემლი, ჩაქუჩი, გაზი, კოპოსანი და სხვ.; მეწალე-გამომჭრელისათვის—გამოსაჭრელი მანქანა, მაკრატელი, საფეხსაცმლო დანები და სხვ.; მღესავისათვის—საღესავი დაზგა; პარიკმახერისათვის—სარკე, სამართებელი, მაკრატლები, თმის საკრეკი მანქანები, საპარსავი ხელსაწყო და სხვ.; ზეინკალისათვის—საზეინკლო დაზგა, ჩაქუჩი, გაზი, საკავშირებელი ლამპა, კლიბი, მუხრუჭი, პრატყელტუჩა და სხვ.; მჭეშუისათვის—აღმასი და ხეწვი; შინ მომუშავე ფეიქრისათვის—საფეიქრო დაზგა; ტრიკოტაჟის მქსოველისათვის—საქსოვი მანქანა, ნართის ამოსახვევი დაზგა, ჩხირები და სხვ.; მკერავისა და მკერავი ქალისათვის—საეკრავი მანქანა, მაკრატელი და სხვ. და აგრეთვე სხვა საგნები, რაც კი საჭიროა ზემოსენიებული და სხვაგვარი ხელობისა და რეწვისათვის.

2) საწარმოო იარაღი, ინსტრუმენტები, სახელმძღვანელოები და წიგნები, რაც საჭიროა პირადი პროფესიონალური მუშაობისათვის, სახელდობრ: სამეცნიერო და სამედიცინო დარგის მომუშავეთათვის—სახელმძღვანელოები, წიგნები და ინსტრუმენტები, რაც შეფუერება თვითეული მათგანის მუშაობის ხასიათსა და სპეციალობას და საჭიროა მისთვის: კბილის ტეხნიკოსისათვის—კბილის ტეხნიკური ინსტრუმენტები; მუსიკოსისა და მომღერლისათვის—ნოტები, მუსიკალური ინსტრუმენტები და სხვ.; მხატვრისათვის—პალიტრა, ფუნჯები, მოლბერტი და სხვ.; მხაზავისათვის—დაფა, სახაზავი, საფარგლე და სხვ.; და აგრეთვე ზემოსენიებული და სხვაგვარი პირადი პროფესიონალური მუშაობისათვის საჭირო სხვა საგნები.

შენიშვნა. ამა („თ“) პუნქტში აღნიშნული საგნები არ ჩამოერთმევა იმავე კატეგორიების პირთ—ზეინკალს, დურგალს, მონტიორს, ექიმს, მუსიკოსს, მხაზავს და სხვ., რომელნიც მსახურობენ ან დაქირავებით მუშაობენ და აგრეთვე მოსწავლეთ.

01. მოვალისა და მის რჩენაზე მყოფი პირისათვის საჭირო საზაფხულო და საზამთრო ტანისამოსი, თეთრეული, ფეხსაცმელი და ოჯახში სახმარებელი სხვა საგნები: 1) საზამთრო და საზაფხულო ტანისამოსი ერთ სულზე—ერთი საზაფხულო ან სამეზობლო პალტო (ან ნაბადი, ზიპონი, პოდოიკა და სხვ.), ერთი საზამთრო პალტო (ან ჯუბა, ქურჭი, ტყაბუქი და სხვ.), ერთი ხელი საზამთრო კოსტუმი (ქალისათვის—ორი საზამთრო კაბა), ერთი საზაფხულო კოსტუმი—ქალისათვის ორი საზაფხულო კაბა), ერთი ყაბალაზი, ერთი ფურაკა (შლაპა) და ერთი ტუდი, ხოლო ქალისათვის, ამას გარდა ორი საზაფხულო თავსახვევი და ერთი

თბილი მოსახვევი (ან შალი); 2) თეთრეული არა უმეტეს სამი წყვილია ერთ სულზე; 3) ერთი წყვილი ტყავისა და ერთი ნაბნის ფეხსაცმელი ერთ სულზე; 4) ოჯახში სახმარებელი სხვა საქირო საგნები: ა) ერთ სულზე—ერთი სასადილო (თევზი, ჩანგალი, დანა და კოვზი) და ერთი საჩაიე (ჭიქა ან ფინჯანი და ლამბაქი) ხელსაწყო, ერთი სკამი (ტაბურეტი), ერთი ხელი ლოგინი (ლეიბი, ბალიში, ორი ზეწარი, ორი ბალიშის პირი, ერთი საბანი), ერთი საწოლი, ორი პირსახოცი; ბ) ერთ ოჯახზე—სამოვარი (ჩაიდან ან თუჯის რამე კურკელი, წყალის ასადლელებად), პრიმუსი (ან კროსინკა), ლამპა, სასადილო მაგიდა, ორი სუფრა, ორი ჩაის ტილა, ორი კურკლის ტილა, ორი ვედრო, ერთი სკივრი (ან მისი მაგიერი სხვა რამე ტანისამოსის შესანახად), სამზარეულოსათვის აუცილებლად საქირო ხელსაწყო (ქვაბები, თუჯის კურკელი, ქვაბსაჭერი, ვარცლი, ჩეკი და სხვ.).

შენიშვნა. აღნიშნული ნორმების ფარგლებში არ შეიძლება აგრეთვე ისეთი ქონების ჩამორთმევა, რაც ეკუთვნის გლეხის კომლის დროებით წასულ წვერს, რომელიც აღრიცხულია სასოფლო-სამეურნეო გადასახადის გამოანგარიშების დროს.

ჟ. სათბობი მასალა და სასურსათო პროდუქტები, რაც საქიროა მოვალის ოჯახის წევრებისათვის და მასთან მცხოვრები ყველა იმ პირისათვის, ვინც მის რჩენაზე იმყოფება: 1) სათბობი მასალა იმდენი, რამდენიც საქიროა მოვალის ოჯახისათვის საქმელის მოსახარშავად და მისი ბინის გასათბობად სამი თვის განმავლობაში; 2) სურსათ-სანოვანე იმდენი, რამდენიც საქიროა გამოსაცემად სამი თვის განმავლობაში შემდეგი ანგარიშით თვითეულ სულზე თევზი: ფქვილი 18 კილოგრ., (ან 21 კილოგრ. მარცვლეული), კარტოფილი 16 კილოგრ., ბურღული 2 კილოგრ., 1¹/₂ კილოგრ. ზეთი (2 კილოგრ. კაკალი ან ზეთისხილის თესლი) და 4 კილოგრ. ლობიო, ცერცვი და სხვა ბოსტნეულობა.

შენიშვნა. ერთიანი სასოფლო-სამეურნეო გადასახადის გადამხდელისათვის სანოვანე გამოიანგარიშება აღნიშნული ნორმების ფარგალში იმ რაოდენობით, რაც საქირო იქნება ახალ მოსავლამდე.

ზ. სასოფლო-სამეურნეო სულიერი და უსულო ინვენტარი და აგრეთვე საქონლის საკვები: 1) სასოფლო-სამეურნეო სულიერი ინვენტარი: ა) თვითეულ მეურნეობაზე—ერთი ძროხა, ერთი ცხენი (ან ერთი აქლემი თუ ჯორი, ან ერთი უღელი ხარი ან და სათანადო რაოდენობის სხვა მუშა-საქონელი), ერთი მოზარდი მუშა-საქონელი სამ წლისაზე არა მეტი ხნის და ერთი ხბო 1¹/₂ წლამდე, ბ) ბულები, უკეთუ მათ საზოგადო ნაზირისათვის იყენებენ.

შენიშვნა. წმინდა სამესაქონლო მეურნეობისათვის დაწესდება შემდეგი რაოდენობა ოთხეუბი საქონლისა, რომელზედაც გადახდებიან არ მიიქცევა: ა) უკეთუ მეურნეობაში სამ მკამელზე მეტი არ არის—შვიდი სული რქოსანი საქონელი, ხოლო თუ მკამელთა რიცხვი სამზე მეტია—თვითეულ მეურნეობაზე ცხრა სული სხვილფეხა რქოსანი საქონელი ან სათანადო რაოდენობის სხვა საქონელი; ამასთანავე ერთ სულ სხვილფეხა რქოსან საქონელთან გათანაბრებულია ერთი ცხენი, ერთი ჯორი, ერთი

აქლემი, ორი ვირი ან ექვსი სული წვრილფეხა საქონელი (ცხვარი და თხა), ბ) მთლად მოზარდი თხა და ცხვარი (ბატკანი და ციკანი).

2) საქონლის საკვები იმდენი, რამდენიც საჭიროა საკვების ახალ მოსავლამდე, შემდეგი ანგარიშით თვეში: ა) ძროხისათვის—320 კილოგრ. თივა, ბ) წვრილფეხა რქოსანი საქონლისათვის—48 კილოგრ. თივა, გ) ხარისათვის—480 კილოგრ. თივა, დ) ხბოსათვის—208 კილოგრ. თივა, ე) ცხენისათვის—240 კილოგრ. თივა და 136 კილოგრ. შვრია ან სიმინდი, ვ) კეციისათვის—80 კილოგრამი თივა და 20 კილოგრ. შვრია ან სიმინდი.

შენიშვნა. თივის ნაცვლად შეიძლება იყოს სათანადო რაოდენობის ბზე და ჩალა ფეკელისა და ქატოს ან სათანადო რაოდენობის კონცენტრირებული საკვების არევით.

3) სასოფლო-სამეურნეო უსულო ინვენტარი: ა) გლეხის თვითიველ მეურნეობაზე—ერთი სახნისი, ერთი გუთანისი, ერთი ფარცხი, ერთი ურემი, ერთი მარბილი, ცხენის მოკაზმულობა და წვრილი ინვენტარი. საჭირო რაოდენობით (ნამგალი, ცელი, ცული, ფარცხი, ორთითა, ნიჩაბი და სხვ.); ბ) ნადირობისა, თევზაობისა და სხვაგვარ რეწვისათვის საჭირო იარაღი ისეთ მეურნეობაში, სადაც ასეთი რეწვა შემოსავლის ძირითადი წყაროა.

მ. საცხოვრებელი და სამეურნეო შენობები, რაც სოფლის მეურნეობის განუყოფელ კუთვნილებას შეადგენს და აგრეთვე სახელმწიფო ორგანიზაციებისაგან უფასოდ ან შეღავათიანი პირობებით მიღებულ და შენობების ასაგებად დანიშნული ბუ-ტყე.

ნ. მოუწვეველი მოსავალი, გარდა იმ სამრეწველო ხასიათის ბოსტნისა, ბალისა, ვენახისა, თამბაქოს პლანტაციისა და ბაღის მოსავლისა, რაც შრომითი კომუნას და კოოპერატიულ ორგანიზაციას არ ეკუთვნის.

ო. თესლეულობა იმდენი, რამდენიც საჭიროა მოვალის მიერ დასამუშავებელი მიწის დასათესად მიმდინარე სასოფლო-სამეურნეო წელს, შემდეგი ანგარიშით ფაქტურად დასათესი მიწის ერთ დესეტინაზე: შვრია, კერი, საშემოდგომო და საგაზაფხულო თესვის ხორბალი, თვითიველი—320 კილოგრ., კარტოფილი—1600 კილოგრ., კვავი—160 კილოგრ., უგრეხელი—128 კილოგრ., ფეტვი—32 კილოგრ., სიმინდი—32 კილოგრ., ცერცვი, ლობიო, მუხუდო და ოსპი, თვითიველი—128 კილოგრ., კანაფის თესლი—128 კილოგრ., მზეთუკრიტას თესლი—24 კილოგრ., სელის თესლი—96 კილოგრ., საკვები ბალახის თესლი—16 კილოგრ., ბამბის თესლი—64 კილოგრ., კენაფი—32 კილოგრ., სალაფი—48 კილოგრ., სოია—64 კილოგრ. და თამბაქოს თესლი—1/2 კილოგრ..

ი. ამა დანართის 1 მუხლის მოქმედება არ ვაგრცვლდება იმავე მუხლის „ლ“ და „მ“ პუნქტში აღნიშნულ საგნებზე, უკეთეს საგნები შეძენილია საკრედიტო და შემნახველ-გამსესხებელი ამხანაგობისა, და აგრეთვე საკრედიტო ფუნქციებით აღჭურვილი სასოფლო-სამეურნეო ამხანაგობის მიერ მიცემული სესხით და დაგირავებულია სათანადო ამხანაგობაში გაკემული სესხის თავის ღრობე გადახდის უზრუნველსაყოფად.

**საპარტიო სოც. საბჭ. ჩხეიძის საბჭოთაო საპარტიო
ოლის საპარტიო კომისიის 271 მუხლის მე-2 დანართი.**

სახელმწიფო დაწესებულებათა და საწარმოთა და კოოპერატიულ, პროფესიონალურ და საზოგადოებრივ ორგანიზაციათა ქონების გაფლანგვით, მითვისებით და გატაცებით მიყენებული ზარალის ასანაზღაურებლად მისჯილი თანხის გადახდებიდან შეიძლება მიქცეულ იქნეს მსჯავრდადებულის (მოპასუხის) მთელს ქონებაზე, გარდა შემდეგი ქონებისა:

I. სისხლის ან სამოქალაქო სამართლის საქმეთა სასამართლოს მიერ სახელმწიფო დაწესებულებათა და საწარმოთა და კოოპერატიულ, პროფესიონალურ და საზოგადოებრივ ორგანიზაციათა ქონების გაფლანგვით, მითვისებით და გატაცებით მიყენებული ზარალის ასანაზღაურებლად მისჯილი თანხის გადახდებიდან შეიძლება მიქცეულ იქნეს მსჯავრდადებულის (მოპასუხის) მთელს ქონებაზე, გარდა შემდეგი ქონებისა:

ა. მსჯავრდადებულისა და მის რჩენაზე მყოფ პირთათვის საჭირო საზამთრო და სახაფხულო ტანსაცმლის, ფეხსაცმელი და ოჯახში სახმარებელი სხვა საგნები.

1) საზამთრო და სახაფხულო ტანსაცმლის სულზე: ერთი სახაფხულო ან საშემოდგომო პალტო (ან ნაბადი, ზიპური, პოდვიოჟა და სხვ.), ერთი საზამთრო პალტო (ან ჯუბა, ქურჭი, ტყაბუკი და სხვ.), ერთი ხელი საზამთრო კოსტუმი (ქალებისათვის—ორი საზამთრო კაბა), ერთი სახაფხულო კოსტუმი (ქალებისათვის—ორი სახაფხულო კაბა), ერთი ყაბალახი, ფურაჟკა (შლაპა) და ერთი ქუდი, ხოლო ქალებისათვის, ამას გარდა, ორი სახაფხულო თავსახვევი და ერთი თბილი მოსახვევი (ან შალი);

2) თეთრეული არა უმეტეს სამი წყვილისა სულზე;

3) ერთი წყვილი ტყავის ფეხსაცმელი სულზე;

4) ოჯახში სახმარებელი სხვა საჭირო საგნები: ა) თვითთელ სულზე—ერთი სასადილო (თევზი, ჩანგალი, დანა და კოვზი) და ერთი საჩაიე (ჭიქა ან ფინჯანი და ლამბაქი) ხელაწყო, ერთი სკამი (ტაბურეტი), ერთი ხელი ლოგინი (ლეიბი, ბალიში, ორი ზეწარი, ორი ბალიშის პირი, ერთი საბანი), ერთი საწოლი, ორი პირსახოცი; ბ) ერთ ოჯახზე—სამოყვარი (ჩაიდან ან თუჯის რამ პურქელი წყლის ასადუღებლად), პრინუსი (ან კეროსინკა), ლამპა, სასადილო მაგიდა, ორი სუფრა, ორი ჩაის ტილო, ორი ქურჭლის ტილო, ორი ვედრო (კოკა), ერთი სკივრი (ან მისი მაგიერი სხვა რამ—ტანსაცმლის შესანახად), სამზარეულოსათვის აუცილებლად საჭირო ხელსაწყო (ქვაბები, თუჯის პურქელი, ქვასაძერი, ჩეკი და სხვ.).

შენიშვნა. არ შეიძლება აგრეთვე ისეთი ქონების ჩამორთმევა აღნიშნული ნორმების ფარგლებში, რაც ეკუთვნის გლეხის კომლის დროებით წარსულ წევრს, რომელიც აღრიცხულია სასოფლო-სამეურნეო გადასახადის გამოანგარიშების დროს.


ბ. ერთი საცხოვრებელი ქოხი და გლეხის შრომითი მეურნეობის საწარმოებლად საჭირო შენობები: ერთი ბელელი, ერთი სასიბინდე, ერთი მარანი, ერთი საბძელი, ერთი ბოსელი და სხვ.

3. საჭირო სასაფლო-სამეურნეო ინვენტარი და მუშა-საქონელი, აგრეთვე საქონლის საკვები: ა) გლეხის თვითიერ მურნეობაზე—ერთი სახნისი, ერთი გუთანის, ერთი ფარცხი, ერთი ზრეში, ერთი მარხილი, ცხენის მოკაზმულობა და წვრილი ინვენტარი საჭირო რაოდენობით (ნამგალი, ცელი, ცული, ფარცხი, ორთთია, ნიჩაბი და სხვ.); ბ) ნადირობისა, თევზაობისა და სხვაგვარი რეწვისათვის საჭირო იარაღი ისეთ მურნეობაში, სადაც ასეთი რეწვა შემოსავლის ძირითადი წყაროა; გ) თვითიერ მურნეობაზე—ერთი ცხენი (ან ერთი აქლემი, თუ ჯორი, ან ერთი უღელი ხარი, ან და სათანადო რაოდენობის სხვა მუშა-საქონელი); დ) საქონლის საკვები იმდენი, რამდენიც საჭიროა საკვების ახალ მოსავლამდე, შემდეგი ანგარიშით თვეში: ხარისათვის—480 კილგ. თივა, ცხენისათვის—240 კილგ. თივა და 136 კილგ. შვრია.

შენიშვნა. თივის ნაცულად შეიძლება იყოს სათანადო რაოდენობის ბზე და ჩალა—ფევილისა, ქატოს და სიმინდის ან სათანადო რაოდენობის კონცენტრირებული საკვების არევით.

4. თესლეულობა იმდენი, რამდენიც საჭიროა მსჯავრდადებულის მიერ დასამუშავებელი მიწის დასათესად მიმდინარე სასაფლო-სამეურნეო წელს, შემდეგი ანგარიშით ფაქტიურად დასათესი მიწის ერთ დესეტინაზე: შვრია, ქერი, სამეომდგომო და საგაზაფხულო თესვის ხორბალი, თვითიერ 320 კილგ., კარტოფილი—1.600 კილგ., ქვაყა—160 კილგ., უგრებელი—128 კილგ., ფეტვი—32 კილგ., სიმინდი—32 კილგ., ცერკვი, ლობიო, მუხზელი და ოსპი, თვითიერი—128 კილგ., კანაფის თესლი—128 კილგ., მზეშუკრეტას თესლი—24 კილგ., სელის თესლი—96 კილგ., საკვები ბალახის თესლი—16 კილგ., ბამბის თესლი—64 კილგ., კენაფი—32 კილგ., სალაფი—48 კილგ., სოია—64 კილგ. და თამბაქოს თესლი— $1\frac{1}{2}$ კილგ.

5. საწარმოო იარაღი, ინსტრუმენტები, სახელმძღვანელოები და წიგნები, რაც საჭიროა მსჯავრდადებულის ხელობისა, შინამრეწველობისა და პროფესიონალური მუშაობისათვის, უკეთუ მას სასამართლომ არ ჩამოართვა უფლება ამ პროფესიაში მუშაობისა: 1) მსჯავრდადებულის ხელობისა და შინამრეწველობისათვის საჭირო საწარმოო იარაღი და ინსტრუმენტები, უკეთუ მსჯავრდადებული არ ეკუთვნის იმ კატეგორიას, რომელსაც მომქმედი კანონმდებლობის თანახმად, მინიჭებული აქვს სავადსახაზად შეღავათები, სახელდობრ: ხუროს და დურგლისათვის—დაზგა, შალაშინი, ცული, ხელის ხერხი და ბირდაბირი, რანდა, ხეწი, ჩაჭური, სატეხი და სხვ.; მეწაღისათვის—ჩაჭური, სადგისი, ფეხსაცმელის დანა, გადასაკიმი ვაზი, კალაპოტი, არა უმეტეს ხუთი წყვილისა, კავი, არა უმეტეს ერთი წყვილისა და სხვ.; მკედლისათვის—ტურა, საბერველი, გრდემლი, ჩაჭური, ვაზი, კოპოსანი და სხვ.; მეწაღე-გამომჭრელისათვის—გამოსაქრელი მანქანა, მაკრატელი, საფეხსაცმლო დანა და სხვ.; მღუსისათვის—საღესავი დაზგა; პარიკმახერისათვის—სარკე, სამართებელი, მაკრატელი, თმის საკრეკი მანქანა, საპარსი ხელსაწყო და სხვ.; ზეინკალისათვის—საზეინკლო დაზგა, ჩაჭური, ვაზი, საკეშორებელი ლამპა, ქლიბი, მუხრუჭი, ბრტყელტუჩა და სხვ.; მეშუშისათვის—საშუშისი და ხეწი; შინ-მომშუშავე ფეიქრისათვის—საფეიქრო დაზგა; ტრიკოტაჟის მსოველისათვის—საქსოვი მანქანა, ნართის ამოსახვევი დაზგა,



ჩხირები და სხვ.; მკერავისა და მკერავი ქალისათვის—საკერი მანქანა, მკერავ-ტელი და სხვ., და აგრეთვე სხვა საგნები, რაც კი საჭიროა ზემოხსენებული და სხვაგვარი ხელობისა და რეწვისათვის; 2) საწარმოო იარაღი, ინსტრუმენტები, სახელმძღვანელოები და წიგნები, რაც საჭიროა პირადი პროფესიონალური მუშაობისათვის, სახელდობრ: სამეცნიერო და სამედიცინო დარგის მომუშავეთათვის—სახელმძღვანელოები, წიგნები და ინსტრუმენტები, რაც შეეფერება თვითეული მათგანის მუშაობის ხასიათსა და სპეციალობას და საჭიროა მისთვის; კბილის ტენიკოსისათვის—კბილის ტენიკური ინსტრუმენტები; მუსიკოსისა და მომღერლისათვის—ნოტები, მუსიკალური ინსტრუმენტები და სხვ.; მხატვრისათვის—პალიტრა, ფუნჯები, მოლბერტი და სხვ.; მხაზავისათვის—დაფა, სახაზავი, საფარგლე და სხვ., და აგრეთვე ზემოხსენებული და სხვაგვარი პირადი პროფესიონალური მუშაობისათვის საჭირო სხვა საგნები.

შენიშვნა. „ე“ პუნქტში ჩამოთვლილი საგნები არ ჩამოერთმევა აგრეთვე ზემოაღნიშნული კატეგორიების იმ პირთ (ზენიკალს, დურგალს, მანტიორს, ექიმს, მუსიკოსს, მხაზავს და სხვ.), რომელნიც მსახურობენ ან დაქირავებით მუშაობენ, და აგრეთვე მოსწავლეს.

3. ყველა სახისა და საფეხურის კოოპერატიული ორგანიზაციისა, საურთიერთო და სასოფლო-სამეურნეო კრედიტის საზოგადოებათა და შრომითი არტელის წევრის საპაიო შენატანი და აგრეთვე საპასუხისმგებლო შრომის არტელის წევრის პაი.

4. სამუშაო ხელფასი იმ რაოდენობით, რასაც სასამართლო განსაზღვრავს, ხოლო არა ნაკლებ ამა თუ იმ ადგილისათვის დაწესებული სამუშაო ხელფასის სახელმწიფო მინიმუმისა, აგრეთვე პენსია, დახმარება და აგრეთვე დამზღვევი სალაროს მიერ ბავშვის დაბადებისა (მის მოსაყვლად და გამოსაცეხად) და ოჯახის წევრის გარდაცვალების (დასამარხავად) გამო გაცემული დახმარება.

II. 1-ლი მუხლით გათვალისწინებულ შემთხვევაში გადახდებივება შეიძლება მიქცეულ იქნეს მთლად იმ ქონებაზე, რასაც მსჯავრდადებული (მოპასუხე) ფლობს სხვა პირებთან ერთად, მათ შორის იმ გლეხური კომლის საერთო ქონებაზედაც, რომლის შედგენილობასაც მსჯავრდადებული (მოპასუხე) ეკუთვნის, აგრეთვე ცოლ-ქმრის საერთო ქონებაზე, უკეთეს სასამართლოს მიერ დადგენილ იქნა, რომ საერთო ქონება ჩადენილი დანაშაულის გამო გადიდებულია.

შენიშვნა. ეს მუხლი ვაერცხლდება მხოლოდ ისეთ შემთხვევაზე, როდესაც ქონების გაფლანგვისა, მითვისებისა და გატაცების მომენტრიდან სისხლის სამართლის წესით დენის აღძერის მომენტრიამდე ორ წელიწადზე მეტი არ გასულა.

132. დამდგენილება № 71 ც. ა. კ. და ს. კ. ს.

სისხლის სამართლის კოდექსის 60, 61 და 63 მუხლების შეცვლის შესახებ.

სრულიად საქართველოს საბჭოთა მე-II მოწვევის ცენტრალური აღმასრულებელი კომიტეტის მე-2 სესიის 1924 წლ. მარტის 10 თარიღისა და 77 №-ის დადგენილების მე-2 მუხლის წესისამებრ სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო აღგენენ:

საქართველოს სსრ 1928 წლ. რედაქციის სისხლის სამართლის კოდექსის 60, 61 და 63 მუხლები მიღებულ იქნეს შემდეგი რედაქციით:

მუხ. 60. გადასახადის ან სავალდებულო საგანაკვეთო დაზღვევის გამოსაღების გაულებლობა დაწესებულ ვადაზე, მიუხედავად იმისა, რომ დამნაშავეს ჰქონდა გადახდის შესაძლებლობა, უკეთუ მას წარსულ საშენაწერო წელს—თუ გინდ ერთჯერ მაინც, ხოლო მიმდინარე წელს—ორჯერ უკვე შეეფარდა გადასახდელის ღონისძიება ქონების აღწერის სახით ან და აღწერილი ქონების საჯარო ვაჭრობით გაყიდვის სახით, გამოიწვევს

ჯარიმას, რაც არ უნდა აღემატებოდეს გადასახდელის ათჯერად რაოდენობას;

იგივე ქმედობა, ჩადენილი ხელმოვრედ, ან რამდენიმე პირის მიერ ურთიერთ შორის წინასწარი შეთანხმებით, ან უკეთუ გადაუხდელი გადასახადის თანხა ორი ათას მანეთს აღემატება,—

თავისუფლების აღკვეთას ან იძულებით მუშაობას ერთ წლამდე ქონების ნაწილის კონფისკაციით ან ჯარიმით, რაც არ უნდა აღემატებოდეს გადასახდელის ათჯერად რაოდენობას,—ან უამისოდ.

მუხ. 61. უარისთქმა ბეგარის მოხდაზე ან საერთო-სახელმწიფოებრივი მნიშვნელობის მუშაობის შესრულებაზე გამოიწვევს

ჯარიმას არა უმეტეს ასი მანეთისა ადმინისტრატიული წესით, უკეთუ სათანადო კანონით სხვა რამ გადასახდელი არ არის გათვალისწინებული;

იგივე ქმედობა, ჩადენილი ხელმოვრედ ან რამდენიმე პირის მიერ ურთიერთ შორის წინასწარი შეთანხმებით,—

თავისუფლების აღკვეთას ან იძულებით მუშაობას ერთ წლამდე.

სახელმწიფოს მიერ სტიპენდიატის სასწავლებელში შენახვისა და სწავლებისათვის გაწეული ხარჯის შრომით ანაზღაურების მოვალეობაზე უარისთქმა ან ამ მოვალეობისაგან თავის არიდება არაპატივსაღებ მიზეზით—გამოიწვევს იძულებით მუშაობას ექვს თვემდე ან ჯარიმას იმ ხარჯის რაოდენობით, რაც სახელმწიფომ დამნაშავეს სასწავლებელში შენახვისა და სწავლებისათვის გასწია.

მუხ. 63. გადასახად-დასაღებ ან აღსანუსხავ საგნების ვადამაღვა ან წინასწარი შეცნობით ამ საგნების რაოდენობის შესახებ ყალბი ცნობის მოცემა, აგრე-

თვე ქონების გადამალვა გადასახადის იძულებით გადახდევინების ასაცილებლად გამოიწვევს

ჯარიმას, რაც არ უნდა აღემატებოდეს გადასახადის ათჯერად რაოდენობას.

იგივე ქმედობა, ჩადენილი მე-60 მუხ. მე-2 ნაწილით გათვალისწინებულ გარემოებაში,—

თავისუფლების აღკვეთას ერთ წლამდე ქონების ნაწილის კონფისკაციით ან ჯარიმით, რაც არ უნდა აღემატებოდეს გადასახდელის ათჯერად რაოდენობას, ან უაპისოდ.

სრულიად საქართველოს სსრ ცენტრალური
აღმასრულებ. კომიტ. თავმჯდომარე ფ. მახარაძე.

საქართველოს სსრ სახალხო კომისართა
საბჭოს თავმჯდომარის შოადგ. გ. მგალობლიშვილი.

სრულიად საქართველოს ცენტრალური
აღმასრულებელი კომიტეტის მდივანი ი. ვარძიელი.

1928 წ. აგვისტოს 29.
ტფილისი—სასახლე.

133. დადგენილება № 73 ც. ა. ქ. და ს. ქ. ს.

იმ საგნების ნუსხის შევსების შესახებ, რაც კონფისკაციით მსჯავრდადებულს, არ ჩამოერთმევა (საქართველოს სსრ ხისხლ. სამ. კოდე. 39 მუხ. დანართი).

სრულიად საქართველოს საბჭოთა მე-11 მოწვევის ცენტრალური აღმასრულებელი კომიტეტის მე-2 სესიის 1924 წლის მარტის 10-ის თარიღისა და 77 №-ის დადგენილების მე-2 მუხ. წესისამებრ—სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

ნუსხა იმ საგნებისა, რაც კონფისკაციით არ ჩამოერთმევა, მიღებულ იქნეს შემდეგი რედაქციით:

კონფისკაციით არ ჩამოერთმევა:

ა. მსჯავრდადებულისა და მის სარჩენ პირთათვის საზამთრო და საზაფხულო ტანსაცმელი, საცვალი, ფეხსაცმელი, ავეჯეულობა და სხვა საოჯახო საგანი: 1) საზამთრო და საზაფხულო ტანისამოსი: თვითფულ სულზე—ერთი საზაფხულო ან საშემოდგომო პალტო (ან ნაბადი, ფარაჯა და სხვ.), ერთი საზამთრო პალტო (ან ჯუბა, ქურჭი, ტყაპუჭი და სხვ.), ერთი ხელი საზამთრო სამოსელი (ქალებისათვის—ორი საზამთრო კაბა), ერთი ხელი საზაფხულო სამოსელი (ქალებისათვის—ორი საზაფხულო კაბა), ერთი ყაბალახი, ერთი ქუდი (შლიაპა) და ერთი ტყავის ან ბეწვის ქუდი, ხოლო ქალებისათვის, გარდა ამისა, ორი სა-

ზაფხულო თავსახვევი და ერთი თბილი მოსახვევი (ან შალი); 2) სამი წვეილი საცვალი თვითიულ სულზე; 3) ერთი წვეილი ტყავისა და ერთიც ნაბდის ფეხსაცემელი თვითიულ სულზე; 4) ავეჯი და ოჯახში სახმარებელი სხვა საჭირო ნივთები: ა) თვითიულ სულზე—ერთი სასადილო (თეფში, ჩანგალი, დანა და კოვჩი) და ერთი საჩაიე (ქიქა ან ფინჯანი და ლამპაქი) მოწყობილობა, ერთი ბამბი (ტაბურეტი), ერთი ხელი ლოგინი (ლეიბი, ბალინი, ორი ზეწარი, ორი საღოშის პირი, ერთი საბანი), ერთი საწოლი, ორი პირსახოცი; ბ) თვითიულ ოჯახზე—სამოვარი (ჩაიდანა და თუჯის რამ კურკელი წყლის ასადუღებლად) პრიმუსი (კეროსინკა), ლამფა, სასადილო მაგიდა, ორი სუფრა, ორი ჩაის ტილო, ორი კურკლის ტილო, ორი ვედრო, ან კოკა, ერთი სკივრი (ან სხვა რამ მისი მაგიერი, ტანისამოსის შესანახად), სამზარეულოსათვის აუცილებლად საჭირო საცქველი (ქვაბები, თუჯის კურკელი, მაშა და სხვ.).

ბ. მსჯავრდადებულის პირადი შინამრეწველობისა და ხელოსნობისათვის საჭირო იარაღი, ავრეთვე ყველა ის ინსტრუმენტი, ხელსაწყო და წიგნი, რაც საჭიროა მისი პირადი პროფესიონალური მუშაობისათვის, უკეთეს ეს პროფესია მის სასამართლოს მიერ არ ექნება აკრძალული: 1) პირადი შინამრეწველობისა და ხელოსნობის იარაღი: ხროსა და დურგლისათვის—დაზგა, შალაშინი, ცული, ხელის ხერხი და ბირდაბირი, რანდა, ხეწი, ჩაქუჩი, სატეხი და სხვ.; მეწალინათვის—ჩაქუჩი, სადგისი, ფეხსაცმელის დანები, ტყავის გადასაჭიმი გაზი, კალაპოტები, არა უმეტეს ხუთი წვეილისა, კაეები—არა უმეტეს ერთი წვეილისა და სხვ., მკედლისათვის—ჭურა, საბერველი, გრდემლი, ურო, გაზი, კოპოსანი და სხვ., მეწაღე-გამომკრელისათვის—გამოსაჭრელი მანქანა, მაკრატლები, საწაღე დანები და სხვ.; მღესატისათვის—სალესავი დაზგა; პარაკმარისათვის—სარტე, სამართებლები, მაკრატლები, თმის საკრეკი მანქანები, საპარსავი ხელსაწყო და სხვ.; ზეინკლისათვის—საზეინკლო დაზგა, ჩაქუჩი, გაზი, საკავშირებელი ლამფა, ქლიბები, მუხრუჭი, პრტყელტუჩება, ლოჯები და სხვ.; მეწუშისათვის—ალმასი და ხეწი; შინ-მომუშავე ფეიქრისათვის—საფეიქრო ქარგა; მქსოველისათვის (ტრიკოტაჟი)—საქსოვი მანქანა, ნართის ამოსახვევი დაზგა, ჩხირები და სხვ., თერძისა და ტანსაცმლის მკერავ ქალისათვის—საკერავი მანქანა, მაკრატელი და სხვ., და ავრეთვე ის საგნები, რაც-კი საჭიროა ზემოხსენებული და სხვაგვარი ხელობისა და რეწვისათვის. 2) მსჯავრდადებულის პირადი პროფესიონალური მუშაობისათვის საჭირო ინსტრუმენტები, ყოველგვარი ხელსაწყო და წიგნები: სამეცნიერო და სამედიცინო დარგის მომუშავეთათვის—ხელსაწყოები, წიგნები და ინსტრუმენტები, რაც შეეფერება თვითიულ მათეანის მუშაობის ხასიათს და სპეციალობას და საჭიროა მისთვის: კბილის ტენიკისათვის—კბილის ტენიკური ინსტრუმენტები; მუსიკოსისა და მომღერლისათვის—ნოტები და მუსიკალური ინსტრუმენტები; მხატვრისათვის—პალიტრა, ფუნჩები, მოლბერტი და სხვ.; მზაზვისათვის—დაფა, სახაზავი და სხვ., და ავრეთვე ზემოხსენებული და სხვა პირადი პროფესიონალური მუშაობისათვის საჭირო სხვაგვარი საგნები.

ბ. სასოფლო-სამეურნეო ინვენტარი, რაც კი საჭიროა შრომითი სამიწათ-მოქმედო მეურნეობისათვის: ერთი გუთანა, ერთი ერქვანი, ერთი ფარცხი, ერთი ცხენი ან ერთი ჯორი, უღელი ხარი ან უღელი კამეჩი, ან და სათანადო რაოდ.

დენობის სხვაგვარი მუშა-საქონელი, ერთი ძრეხა, აგრეთვე საკვები საქონელი სათვის იმდენი, რაც საჭირო იქნება საჭონლის საძოვარზე გარეკამდე, მაგრამ არა უმეტეს ექვსი თვის სამყოფი საკვებისა; ამასთანავე ვლენის კომლის ჭონებიდან, საერთოდ, კონფისკაციით შეიძლება ჩამორთმეულ იქნეს ამ ქონების მხოლოდ ის ნაწილი, რაც ეკუთვნის დანაშაულისათვის კომლის მსჯავრდადებულ წევრს, უკეთეს მოქმედი კანონით ამ ნაწილის გამოყოფა შეიძლება.

ღ. საცხოვრებელი და საკარმიდამო შენობა სოფლად, რაც საჭიროა მსჯავრდადებულის ოჯახის საცხოვრებლად, ან შეადგენს სოფლის მეურნეობის განუყოფელ კუთვნილებას.

შ. თესვულობა, რაც საჭირო იქნება შრომითი სამიწათმოქმედო მეურნეობაში მორიგი თესვისათვის (საშენოდგომო და საგაზაფხულო) იმ ვარაუდით, რომ ფაქტიურად მოსათესი მიწის ერთ დესეტინაზე მოდიოდეს: შერია, ჭერი, შემოდგომაზე ან გაზაფხულზე დასათესი ხორბალი—320 კილ., კარტოფილი—1.600 კილ., ჭვავი—160 კილ., უგრეხელი—128 კილ., ფეტვი—32 კილ., სიმინდი—32 კილ., ცერკვი, ლობიო, მუხუდო და ოსპი—128 კილ., კანაფის თესლარ—128 კილ., მზეუქვრიტას თესლი—24 კილ., სელის თესლი—96 კილ., საკვები ბალახის თესლი—16 კილ., ბამბის თესლი—64 კილ., კენაფი—32 კილ., სალაფი—48 კ., სოიო—64 კილ. და თამბაქოს თესლი— $\frac{1}{2}$ კილ. და მოუშველ-მოუკრეფავი მოსავალი, იმ სამრეწველო ბაღებისა და ბოსტნების მოსავლის გამოკლებით, რომელთა ექსპლოატაციასაც შრომითი ხასიათი არა აქვს.

ჰ. სათბობი მასალა და საკვები, რაც საჭიროა პირადად მსჯავრდადებულისა, მისი ოჯახისა, და მის სარჩენ პირთათვის ექვსი თვის განმავლობაში იმ ვარაუდით, რომ თვითვე სულზე თვეში მოდიოდეს 18 კილ. ფქვილი ან 21 კილ. ხორბალი, 16 კილ. კარტოფილი, 2 კილ. კრუპა, $\frac{1}{2}$ კილ. მცენარეული ზეთი ან 2 კილ. კაკალი, 4 კილ. ლობიო, ცერკვი და სხვა ბოსტნეულობა.

ზ. ფული არა ნაკლებ იმ თანხისა, რაც უდრის ამა თუ იმ ადგილას მუშის საშუალო საშოვარს ექვსი თვის განმავლობაში.

თ. საპაიო შენატანი კოოპერატიულ ორგანიზაციაში, სასოფლო-სამეურნეო საკრედიტო საზოგადოებაში და შრომის არტილში.

სრულიად საქართველოს საბჭოთა ცენტრალური
აღმასრულებელი კომიტეტის თავმჯდომარე ფ. მახარაძე.

საქართველოს სოც. საბჭ. რესპუბლიკის სახალხო
კომისართა საბჭოს თავმჯდომარის მოადგ. გ. მაგლობლიშვილი.

სრულიად საქართველოს საბჭოთა ცენტრალური
აღმასრულებელი კომიტეტის მდივანი ი. ვარძიელი.

სახალხო კომისართა საბჭოს დადგენილება.

134. დადგენილება ს. კ. ს.

ღარიბ გლეხთა საკრედიტო ფონდების განაწილების ვადების შესახებ.

რათა დაჩქარებულ იქნეს ღარიბი გლეხობის მეურნეობათათვის გახსნილი კრედიტების განაწილება—საქართველოს სსრ სახალხო კომისართა საბჭო ადგენს: დადგენილ იქნეს ღარიბი გლეხობის მეურნეობათა შორის კრედიტების განაწილების საკითხების განმზილველ დაწესებულებათათვის შემდეგი მაქსიმალური ვადები:

ა) საქართველოს სასოფლო-სამეურნეო ბანკისათვის—ათი დღე კრედიტების გახსნის შესახებ განკარგულების მიღების დღიდან;

ბ) საქართველოს სსრ ეკონომიური საბჭოსათვის—შვიდი დღე საქართველოს სასოფლო-სამეურნეო ბანკისაგან კრედიტების განაწილების პროექტის მიღების დღიდან;

გ) სამაზრო კომისიებისათვის—შვიდი დღე კრედიტების გახსნის შესახებ შეტყობინების მიღების დღიდან;

დ) საკრედიტო ამხანაგობებთან არსებული კომისიებისათვის—თხუთმეტი დღე კრედიტების გახსნის შესახებ შეტყობინების მიღების დღიდან.

სსრ სახალხო კომისართა საბჭოს

თავმჯდომარის მოადგილე გ. მგალობლიშვილი.

სსრ სახალხო კომისართა საბჭოს

საქმეთა მმართველი პ. მეგრელიშვილი.

1928 წ. სექტემბრის 11.

ტფილისი—სასახლე.

გამოქვეყნებულია გაზ. „კომუნისტის“ 240 №-ში 1928 წ. ოქტომბრის 16.

135. დადგენილება ს. კ. ს.

სოფლად მომუშავე სამედიცინო პერსონალის სამუშაო ხელფასის მინიმუმის დაწესების შესახებ.

სოფლის მოსახლეობის კვალიფიციური სამედიცინო პერსონალით უზრუნველსაყოფად საქართველოს სსრ სახალხო კომისართა საბჭო ადგენს:

1. დაწესებულ იქნეს 1928/29 წ. ადგილობრივ ბიუჯეტზე მყოფი სამედიცინო პერსონალისათვის სამუშაო ხელფასის შემდეგი თვიური მინიმალური განაკეთი:

დ) მეურნეობა, რომელშიაც დამჭირავებელი პირადი შრომით მონაწილეობას არ მიიღებს; გარდა იმ მეურნეობათა, სადაც განსაკუთრებული მიზეზების გამო (სამხედრო სამსახური, ინვალიდობა, ქვრივ-ობლობა და სხვ.) ოჯახის შრომის უნარიანი წევრი არ არის;

ე) საადგილ-მამულო საზოგადოების ან მისი ნაწილის მეურნეობა, რომელიც დაიჭირავენს საერთო მწყემს;

ვ) მეურნეობა, რომელსაც აქვს რთული სასოფლო-სამეურნეო მანქანები (ტრაქტორი, სალეწი) ან რომელიც სისტემატიურად გააჭირავენს ხოლმე რთულ სასოფლო-სამეურნეო მანქანებს ან და სასოფლო-სამეურნეო სულიერ ინვენტარს;

ზ) კოლექტიური მეურნეობა;

თ) მეწარმე-მოიჯარადრის მეურნეობა.

II. დაევალოს შრომის სახალხო კომისარიატს გამოსცეს მიწათმოქმედების სახალხო კომისარიატთან ერთად ინსტრუქცია ამა დადგენილების ადგილობრივ შეფარდებისათვის.

საქართველოს სსრ სახალხო კომისარიატის საბჭოს
თავმჯდომარის მოადგილე გ. მგალობლიშვილი.

საქართველოს სოც. საბჭ. რესპუბლიკის სახალხო
კომისარიატის საბჭოს საქმეთა მმართველი პ. მეგრელიშვილი.

1928 წ. ოქტომბრის 16.

თბილისი—სასახლე.

